



ডাকসুতে ভিপি, জিএস ও এজিএস পদে শিবির সমর্থিতদের জয়জয়কার



সংগৃহীত ছবি

দীর্ঘ ছয় বছর পর অনুষ্ঠিত ঢাকা বিশ্ববিদ্যালয় কেন্দ্রীয় ছাত্র সংসদ (ডাকসু) নির্বাচনে শিবির সমর্থিত ঐক্যবদ্ধ শিক্ষার্থী জোটের প্রার্থীরা শীর্ষ তিন পদে এগিয়ে রয়েছেন। ভিপি পদে আবু সাদিক কায়েম, জিএস পদে এস এম ফরহাদ এবং এজিএস পদে মহিউদ্দিন খাঁন বিপুল ভোটে এগিয়ে আছেন। অধিকাংশ হলে ফলাফল ঘোষণার পর তাদের বিজয় প্রায় নিশ্চিত হলেও আনুষ্ঠানিক ঘোষণা এখনো বাকি।

ঢাকা বিশ্ববিদ্যালয় কেন্দ্রীয় ছাত্র সংসদ (ডাকসু) ও হল সংসদের বহুল প্রতীক্ষিত নির্বাচন অনুষ্ঠিত হয়েছে মঙ্গলবার (৯ সেপ্টেম্বর)। তোর পর্যন্ত ঘোষিত ফলাফলে দেখা গেছে, ভিপি পদে শিবির সমর্থিত ঐক্যবদ্ধ শিক্ষার্থী জোটের প্রার্থী মো. আবু সাদিক কায়েম ১৪ হাজার ৪২ ভোট পেয়ে এগিয়ে আছেন। তাঁর নিকটতম প্রতিদ্বন্দ্বী ছাত্রদল সমর্থিত মো. আবদুল ইসলাম খান পেয়েছেন ৫ হাজার ৬৫৮ ভোট।

একইভাবে জিএস পদে এস এম ফরহাদ এবং এজিএস পদে মহিউদ্দিন খাঁন বেশিরভাগ হলে শীর্ষে রয়েছেন।

বুধবার (১০ সেপ্টেম্বর) সকাল ৬টা পর্যন্ত ৮ ভোটকেন্দ্রের আওতাভুক্ত ১৮টি হলের ফলাফল ঘোষণা করা হয়েছে। ঘোষিত ফলাফলে শামসুন্নাহার, মুহসীন, রোকেয়া, শহীদুল্লাহ, সুফিয়া কামাল, ফজলুল হক, অমর একুশে, জহুরুল হক, জগন্নাথ, এসএম হলসহ প্রায় সব হলে সাদিক কায়েম ও ফরহাদের প্রার্থিতার জয়জয়কার দেখা গেছে।

কিছু হলে (যেমন জগন্নাথ হল) অন্য প্যানেলের প্রার্থীরা এগিয়ে থাকলেও সামগ্রিক চিত্রে শিবির সমর্থিত প্যানেলই স্পষ্টভাবে শীর্ষে রয়েছে।

এবারের নির্বাচনে মোট ভোটার ছিলেন ৩৯ হাজার ৭৭৫ জন শিক্ষার্থী, যার মধ্যে ৮০ শতাংশের বেশি ভোটাধিকার প্রয়োগ করেছেন।

৪৭১ জন প্রার্থী ২৮টি পদের জন্য প্রতিদ্বন্দ্বিতা করেছেন।

নারী প্রার্থী ছিলেন ৬২ জন।

দীর্ঘ বিরতির পর অনুষ্ঠিত এই নির্বাচনে শিক্ষার্থীদের উৎসবমুখর অংশগ্রহণ এবং ব্যাপক ভোটার উপস্থিতি ছিল লক্ষ্যণীয়। আনুষ্ঠানিক ফলাফল ঘোষণার পরই ডাকসুর নতুন নেতৃত্ব আনুষ্ঠানিকভাবে দায়িত্ব নেবেন।